

على فراشه ويدير العين ويمه فاطمه وحسين
وحيدر يهمل الدمعات وابو القاسم يجر لونين
وفاطم نادته بويه بدمع مسفوح بعد عينك من الكافل يبعد الروح
تيتمننا اوتركنا

وابو ابراهيم يجاوبها يسليها ويناشدها
عوينج ربي يازهرا على الفرگه وشدايدها
عليكم يا أهل بيتي أنا وصيت علي من بعدي الكافل وسور البيت
بياريكم ويحفظكم

يزهرا حان حيني أريد اتودعوني
أريد أولادي يمي عن اشمالي ويميني
يا ثمر روعي وبلسم جروحي بعد عيني تحل المصايب
الله ويياكم عينه ترعاكم من تجيكم سهام النوايب
عليكم تهمل اعيوني ومآسي المحنة تجويني

وفاطم ظلت تجود ومنها الكلب ممرود
تگله يا ضيا العين بعدكم صرنا فرهود
ذايب افادي وموحش الوادي ومظلمه الدار ينور المدينه
بعد فرگاكم افقد احماكم خايفه من المحن والضغينه
علينا تنزل الأهوال وثگله من ثگل لجبال

يعين الله على مگاسى المنيه بعد عيناك ياخير البريه
نشوف الضيم من هاي الأعادي وعلينا تمور أمواج الأذيه
شعب دلالي رحيل الوالي فجميع
أون وتحسر ودمع عيوني نجيع

توصيني بصبر يا سيد الكون نفذ صبري ببويه وخابت ظنون
يليت الموت يلقيني يعزي ولا اشاهدهم لجسمك يغسلون
بعدكم حسره فؤادي جمره ولهيب
ومنهو غيرك ملاذ جروحي وطبيب

يفاطم لاتفجعينني عتابج والله ياذاذيني
بعد موتي محن والأم عليج اتصب يضي يعيني
تلحقيني بعجل حسرى بضع مكسور وجنينج بالثرى يافاطمه معفور
ولطمة عين يأم لحسين
مصايب كثره تتحدر عليكم والأسى يكبر
بعد عيني يجون الكوم ويسحبون بحبل حيدر
يمنعونج يزهره من الحزن والنوح وتظلين بألم وبحسره وي لجروح
بألم تگضين ينور العين

يجافون الوصيه ويزيدون الاذيه
وعلى بابج تشب نار يزهره ملتضيه
نحله منهوبه فذك مغصوبه والرزايا عليكم عصيه
لطمه اعلى الخد والمتن مسود ومن مصيبه يزهره لمصيبه
عليكم أهمل العبرات يزهره واجذب الونات
ونادى بلوعه وشكاة يزهره هالعمر فات
بأمان الله يزهره غمض عينه النبي ومات
اهتزت الأفلاك وضجت الأملاك تندبه والمدامع جريه
وناحت الأيتام والدمع سجام ياوزف ترحل بهلمسية
مصيبه وياهي من محنه فگدكم والله دولبنه

وفاطم نادت بصوت الفجيعه يبويه ضيعتني وياهي ضيعه
فجع دلالي افراگك يبويه انوح ومهجتي بعدك صديعه
يبوبه المنبر عليك اتحسر أوصاح
ودم محرابك نرف لفرآگك جراح
يحمل نعش ابويه والله بهداي تنزل نعشه خلني اروي احشاي
بعد موته فجعني وضع الراي وخالني يتيمه ودمعي هماي
يليت ابگبره اموت بكثره وروح
ولا يتركني وحيد بخرني أنوح